

quam laudem & certam obrectationē existimationis meæ,
quum factiosa superbaque ingenia passim occurrant, quæ
multa tanquàm adulatione aut odio deprauata interpreten-
tur. Verum malignis aut ignorantibus, egregii probique ho-
mines, inter quos tu ab excellenti uirtute maxime illustris
emines, tanquàm iurati testes respondebunt, indignum esse
ut ei maledicatur, qui ingenuo labore incomparabilem
utilitatem tot expressis uitæ exemplis cum hone-
stissima uoluptate & uiuis & posteris attulerit.

Vale. Romæ x i. Kal. Maias.

M D XLVIII.

